

CONVENIO DE COLABORACIÓN EMPRESARIAL ENTRE A AXENCIA GALEGA PARA A XESTIÓN DO COÑECEMENTO EN SAÚDE E TAKEDA FARMACÉUTICA ESPAÑA, S.A PARA A REALIZACIÓN DUN VÍDEO SOBRE A ENFERMIDADE INFLAMATORIA INTESTINAL (EII)

MEMORIA XUSTIFICATIVA

O xerente do Servizo Galego de Saúde **DECLARA:**

Que a Axencia Galega para a Xestión do Coñecemento en Saúde (ACIS) e Takeda Farmacéutica España, S.A. formalizaron o 10.06.2024 o convenio arriba referido. Este convenio terá vixencia desde o día seguinte ao da súa sinatura ata o 31 de decembro de 2024 salvo denuncia expresa de calquera das partes cunha antelación mínima de 15 días naturais á prevista para a finalización da súa vixencia ou resolución anticipada.

Que o instrumento convencional ten por obxecto apoiar aos pacientes afectados por algunha das enfermidades inflamatorias intestinais, co fin de mellorar a súa calidade de vida e favorecer o prognóstico da súa condición.

Coa finalidade de lograr o devandito obxecto, Takeda Farmacéutica España, S.A, comprométese a realizar unha achega económica á ACIS de oito mil trescentos setenta e cinco euros con vinte e seis céntimos de euro (8.375, 26 €) para a realización do vídeo.

Que o convenio fundaméntase no seguinte:

Mediante o Decreto 112/2015, do 31 de xullo, créase a ACIS e apróbanse os seus estatutos. A posta en funcionamento efectivo da Axencia tivo lugar o 1 de xaneiro de 2016, coa entrada en vigor dos orzamentos xerais da Comunidade Autónoma de Galicia.

Entre os obxectivos estratéxicos da ACIS están o de elaborar a planificación en materia de docencia, formación, investigación, innovación e avaliación de tecnoloxías e servizos sanitarios, en función dos criterios e obxectivos de planificación estratéxica definidos polo Servizo Galego de Saúde e pola Consellería de Sanidade e o de xestionar o coñecemento no sistema público de saúde de Galicia.

Segundo o artigo 42 dos seus estatutos, para o cumprimento dos seus obxectivos a ACIS poderá contar, entre outros, con recursos procedentes de achegas voluntarias, doazóns, herdanzas, legados e demais achegas a título gratuito de entidades privadas e de particulares.

A Lei 49/2002, do 23 de decembro, de réxime fiscal das entidades sen fins lucrativos e dos incentivos fiscais ao mecenado regula determinados beneficios fiscais que poden aplicarse as persoas físicas ou xurídicas que colaboren no financiamento de actividades daquelas entidades que poidan ser beneficiarias do mecenado.

O artigo 16 da Lei 49/2002, do 23 de decembro declara como entidades beneficiarias do mecenado ao Estado, as Comunidades Autónomas e as Entidades Locais, así como os Organismos Autónomos do Estado e as entidades autónomas de carácter análogo das Comunidades Autónomas e das Entidades Locais. En consecuencia, a ACIS pode ser receptora de achegas económicas que dean dereito aos aportantes a obter beneficios fiscais dos regulados na davandita lei.

Segundo o Artigo 25 da Lei 49/2002, entenderase como convenio de colaboración empresarial en actividades de interese xeral aquel polo cal as entidades ás que se refire o artigo 16, a cambio dunha axuda económica para a realización das actividades efectuadas en cumprimento do seu obxecto ou finalidade específica, comprométense por escrito a difundir, por calquera medio, a participación do colaborador nas devanditas actividades. A difusión da participación do colaborador no marco dos convenios de colaboración empresarial non constitúe unha prestación de servizos.

Esta colaboración queda excluída da aplicación da lexislación de contratos administrativos, a tenor do disposto no artigo 6.2 da lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014.

A Escola Galega de Saúde para Cidadáns, creada no ano 2009, depende da Xerencia do Servizo Galego de Saúde. Dirixida e xestionada dende a Subdirección Xeral de Humanización e Atención á Cidadanía, está orientada á formación de pacientes, familias e cidadáns en materia de saúde, para mellorar a toma de decisións nos seus procesos de saúde-enfermidade.

A súa misión é prover de información, coñecementos e habilidades en procesos de saúde e de enfermidade a pacientes, coidadores e cidadáns, co fin de mellorar a súa calidade de vida e potenciar a súa participación segura nas decisións sobre os seus procesos, así como facilitar o coñecemento do funcionamento dos servizos sanitarios para contribuír a un uso eficiente deles, para o que conta cunha rede de profesionais e formadores expertos.

A ACIS, a través dunha encomenda de xestión, vai desenvolver unha actividade da Escola Galega de Saúde para Cidadáns que consiste na creación dun recurso formativo en formato dixital sobre "*Enfermidade Inflamatoria Intestinal*", consistente na creación de unha pílula formativa e-learning, co obxecto de apoiar aos pacientes afectados por algunha das enfermidades inflamatorias intestinais, co fin de mellorar a súa calidade de vida e favorecer o prognóstico da súa condición; buscando mellorar os recursos dispoñibles e favorecer a involucración dos profesionais sanitarios na abordaxe deste tipo de enfermidades.

Takeda Farmacéutica S.A., é unha empresa privada adicada ao sector Saúde que ten como finalidade a mellora da saúde dos pacientes, polo que está interesada en colaborar coa ACIS na actividade descrita.



Os intereses converxentes das partes asinantes exclúen o ánimo de lucro, e non podían satisfacerse axeitadamente mediante a celebración dun contrato dos contemplados na Lei 9/2017, do 8 de novembro.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estimouse xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago,

